

à la charge de fare et faire fere vne tornelle (1), sur lesd. murs, a chault, pierre et arenne, et icelle faire jecter hors lesd. murs de trois piedz, et en sorte que deux hommes puissent estre et demourer dedans, et y fere trois canonières : l'une sur les fossés, les deux aultres qui aduiseront au long desd. murs pour la deffence de ladite ville ; et ainsi qu'il sera aduisé par lesdits comisaires et ouvriers ; laquelle tournelle sera tenu bien et deuement fere à chault, pierre et arenne, en mains, le tout a dicte d'ouvriers, et icelle auoir faict de ce jour en vng an. Et en cas qu'il ne ayt faict icelle tournelle dans led. an, iceulx procureurs la feront faire aux despens dudit Cournillon. Et laquelle tournelle ledit Cournillon et les siens seront tenuz maintenir et entretenir couverte à tout temps à leurs despens, et pour vng chascun an et feste de tous les saintz auxd. procureurs, qui sont à présent et seront à l'advenir, ou esleus perpetuellement, vng solz de roy, de servir a comensant la première paye, a la feste de tous les S<sup>ts</sup> prochaine... » F<sup>o</sup> 116-117).

ESTAT OU CONTOROLLE DES CONSEULZ *quy ont esté esleuz et ont exercé la charge en la ville et communauté de Coindrieu, depuis la feste de S<sup>t</sup> Jehan batiste, 1553, auquel temps de toute antienmeté on a accoustumé d'eslire et nomer deux procureurs ou conseulz audict Coindrieu, quy demeurent deux ans en charge et apres n'y peuuent jamais estre renommés ny esleuz.*

1553-1554. — Premier, audict temps de la S<sup>t</sup> Jehan batiste, 1553, furent esleuz et créés procureurs et conseulz aud. Condrieu, Pierre Messonnier et Floury Poys.

---

(1) *Tornelle*, petite tour.